






211. 17







1614

C. Paul in 12.

ADVERTISSEMENT
A LA FRANCE.

1614.

Case


F

39


. 326

THE NEWBERRY
LIBRARY

1614 2d



ADVERTISSEMENT.

 E masque en fin est leué,
& voit-on maintenant à
clair quelle est l'intention
de ceux qui se couvrans
du nom de Monsieur le Prince, com-
me d'un manteau emprunté, ont ius-
ques icy fait retentir le bien public,
pour chercher seulement le leur parti-
culier. Toute la France sçait, com-
me au milieu d'une profonde paix,
soubz l'heureux gouvernement de la
Royne, quelques Grands se sont re-
tirez de la Cour, & comme apres
auoir alarmé les peuples par leur de-
part, ils enuoyerent vn certain ma-
nifeste à sa Maiesié, dans lequel se fi-
gurans à plaisir vn regime si confus
de tout le Royaume, qu'à leur com-
pte le malade gisant au liét n'a pas
plus besoing de secours, que les

aduis & conseils des Estats generaux estoient necessaires comme vn baume exquis, à la restauration de toutes choses. C'estoit là vrayement vn pretexte plausible, & le rendoient encores plus specieux, en protestant qu'ils demandoient ceste pretenduë Reformation sans armes, ainsi que ceux qui pour profiter de telles assemblées se saisissoient des villes, armoient les peuples & les estrangers, faisoient guerre & paix à leur profit, pour vne Lieutenance generale, gouvernement des prouinces & des places, puis aydoient à eluder l'assemblée, sans se soucier de la publique Reformation. Si les effects eussent respondu aux belles parolles, le reproche qu'ils font à autruy ne tomberoit pas comme il fait sur leur propre face, ny toute la frontiere de la Picardie & de la Champagne n'eust pas esté rauagée, ny ne ferions à la veille d'vne plus grande desolation, si Dieu n'a pitié de nous. Car tant s'en faut qu'ils se soient souuenus de ce qu'ils ont protesté d'abord; on a veu au contraire.

En la
lettre
de M.^{le}
P.^à la
Roynne.

qu'escriuant d'une main, ils trainoiét par maniere de dire, le canon de l'autre, pour forcer la citadelle de Mezieres, dont ils se sont saisis, n'ayant pas tenu à eux qu'ils n'ayent souleué les prouinces, & tiré secours des armes estrangeres. La Royne neantmoins comme vn sage Medecin qui n'apporte pas soudain le cautere à la playe, tascha de les r'appeller à leur deuoir, par les plus doux & gracieux remedes qu'elle peut trouuer, enuoyant par deuers eux Monsieur le President de Thou, lequel essaya de coniurer ceste tempeste, par toute la prudence qu'un personnage de sa probité & candeur y peut contribuer. En fin ils luy donnent parole de s'approcher & de venir à Soissons, où sa Maiesté à eu agreable de traiter amiablement avec eux, comme la mere faiét avec ses enfans, y enuoyāt à cest effect Monsieur le Duc de Vātadour, & Monsieur le President Jeannin, personnes posées & pacifiques : Mais ces Messieurs oublians

toujours la premiere protestation
 de faire leurs demandes en pour-
 poinct & sans armes, vindrent ac-
 compagnez d'infanterie & de caual-
 lerie, si bien qu'opprimant la liberté
 de ceste pauvre ville, ils l'ont misera-
 blement afferuic soubz leur ioug.
 Toutestois l'innocence qui parle
 mesme dans la fournaise ardantē, fist
 que les deputez de sa Maiesté ne se
 retirèrent point, quoy qu'ils les vis-
 sent les plus forts dans ceste place,
 ains leur remonstrans genereusemēt
 leur deuoir, ouyrent ce qu'ils desi-
 roient pour estre contentez en ge-
 neral & en particulier. Les articles
 qu'ils baillerent pour enuoyer à la
 Royne contenoient trois Chefs,
 qu'elle leur auoit accordez, à sça-
 uoir *la Conuocation des Estats généraux,*
 Du 14. *la surseance du Mariage du Roy & de Mes-*
 Avril. *dames, iusqu'à la majorité de sa Maiesté, (&*
non iusqu'à la tenuë desdicts Estats,
 comme on a faussement glissé dans
 les mesmes articles, à dessein de ren-
 uoyer l'accomplissement de ce Ma-

riage aux Calendes Grecques, & le
 desarmement de part & d'autre, dont ils
 remercièrent tres-humblement sa
 Maïesté, Monsieur le Prince (portent
 les articles) ayant prié Messieurs les Ducs
 de Mayenne & de Bouillon, de demeurer à
 Soissons, leur donnant pouuoir d'acheuer le
 traicté avec les deputez, pour conuenir de
 la seureté & liberté desdicts Estats, & de
 l'assurance qu'ils desirent auoir de la sur-
 seance desdicts mariages, ensemble des
 poincts qui regardent le desarmement, &
 de l'Estat auquel les personnes du Roy &
 nos personnes demeureront entre cy & la
 tenue desdicts Estats. Charité tres-gan-
 de, & en laquelle Monsieur le Prince
 faiet vrayemēt vne œuvre de supererogation, comme si naturellement la
 mere n'auoit pas assez de soing de la
 garde de son propre enfant. Car le
 Roy estant en si bonne main com-
 me il est, les Anges du Ciel qui veil-
 lent à l'entour de luy, conserueront
 la personne sacrée si precieusement,
 qu'il viura vn siecle au bon-heur de
 la France. Et quant à la seureté de la

personne de Mōsieur le Prince quel
 crime a il commis , quels ennemis
 peut il auoir pour la desirer autre
 dans le Royaume, que celle que son
 extraction luy donne? Qui luy cau-
 se ceste terreur, qui luy suggere ceste
 meffiance? Et quand bien il auroit
 offencé leurs Maiestez iusques là, que
 de redouter la iurisdiction que tout
 Souuerain a sur son subiect , la foy
 publique ne seroit-elle pas suffisante
 pour luy leuer la crainte qu'il en
 pourroit auoir? Vne forteresse pour
 inexpugnable qu'elle peust estre, le
 mettroit-elle plus à couuert contre
 l'indignation d'un grand Roy s'il l'a-
 uoit iustement encouruë? Non, non,
 auoir l'hōneur d'estre premier Prin-
 ce du sang, viure innocemment à la
 Cour, estre entre les bras des Fran-
 çois, qui adorent & reuerent ceste
 illustre qualité, n'auoir en fin autres
 armes que celles du Roy, est vne as-
 seurance si grande de la vie, des biens
 & de la fortune, qu'il n'y a riē à crain-
 dre pour celuy qui est fortifié de tels
 rampars:

rampars : Mais i'apprehende que l'organe qui iette ces soupçons dans l'ame de ce Prince, n'ayt vn dessein tout contraire à ses bonnes intentions, estant à la France ce qu'il y est, & si proche parent du Roy, n'y ayant rien tant à plaindre en luy que ceste trop grande facilité de prester l'oreille à celuy qu'on faict l'autheur de tous ces vacarmes. Car de cela seul qu'il se melle de ses affaires, tous les François vraiment amateurs de la Religion Catholique & de l'Estat, ne peuuent auoir les conseils d'un tel homme, que fort suspects, soit pour l'alliâce d'Espagne, laquelle il ne desire rien tant que de rompre, soit pour la conuocation des Estats, où il se prepare à autant de fuites que ses Ministres ont tousiours apporté d'é-lusions pour ne se trouuer en aucun Concile. Sur tout, il nous est suspect en ce qu'il a insisté si ardâment qu'on accorde à Monsieur le Prince la ville & le chasteau d'Amboise, lieu de tout temps destiné à la nourriture

des enfans de nos Rois. Ioinct que ceste place à cause de son assiette & de son voisinage, pourroit seruir de planche à ce bon Conseiller, pour d'autres entreprises en faueur de les confreres, tout autant de fois qu'à son accoustumée l'humeur le prendra de brouiller, abusant du nom & de la qualité de Monsieur le Prince. Ceste place est en fin si importante, que par le moyen d'icelle il se pourroit rendre Maistre de toute la riuere de Loire, & y ietter quand il luy plaira vn impost de trois ou quatre cens mil escus par an, pour les menus frais de la Reformation, outre la facilité que luy donneroit ceste retraite, d'aller vn iour reformer les orgues & les Images de S. Martin de Tours, dont la Royne ne doute point que Monsieur le Prince n'eust regret, estant Catholique comme il est. C'est pourquoy la Majesté a si constamment resisté à l'aduis de ceux qui craignās vne guerre de quelque mois, ou portez d'au-

eres consideratiōs particulieres, inclinoient à la demande de ceste place, iugeant d'autant plus sainnement de son importāce qu'elle est interessee plus que tout autre, au bien du seruice du Roy son fils, & à la glorieuse conseruation de l'Estat.

Ce n'est pas que ceste bonne ne Princeesse n'ayt desiré d'acheter la paix, quand mesmes s'eust esté aux despens de son propre sang: Mais aussi de là faire honteuse & si peu assuree qu'elle se voye à tous coups menacée de la guerre, i'estime qu'il n'y a nul homme de bien qui n'en gemisse, qui n'en sospire, & qui ne iuge qu'il seroit biē plus raisonnable que ces Messieurs rendissent par leur traicté les deux villes qu'ils ont vsurpées au mespris de l'autorité du Roy, que non point d'en oser demander d'autres, eux dy-je qui deuroient seulement recourir à la clemence & misericorde de leurs Maiestez, & se contenter d'un pardon, apres auoir ainsi failly, voire au tesmoignage

de leur propre conscience, l'Estat estant du tout deplorable où la violence & les attentats font prétendre recompense. Où es-tu Henry III. ô grand Roy où es-tu! Voila en fin comme les protestations du manifeste de nos reformateurs s'éuaporét en l'air, tout ce qu'ils ont presché du bien public, aboutissant simplement à leur profit. *Et pour monstrier*, disoient ils, *que nostre particulier n'a nul pouuoir sur nous, nous remettons au Roy en l'assemblée des Estats libres & seurs nos pensions & gratifications, si la necessité de ses affaires le requiert, contre la calomnie de ceux qui nous accusent qu'il n'y alloit que de nostre particulier que nous preferions au public.* Cependant on voit ce qui en est au vray, & comme relachans de ceste premiere & seure protestation, ils disent dans leurs articles, *qu'ils declareront tous ne desirer autre satisfaction & contentement particulier, que celuy qui se doit trouuer dans le public, auquel neantmoins ils n'ont pas encores songé, tant ils sont empressez apres leurs af-*

En la
lettre
de M.
le P.

faires, Monsieur le Prince (outre
 pres d'un milion d'or d'ot il s'est pre-
 ualu des gratifications de sa Maicsté,
 depuis le decez du feu Roy, soit
 pour acquerir ou pour s'acquitter)
 demandant encores cent cinquante
 mille escus, avec le chasteau d'Am-
 boise, Monsieur de Neuers la surui-
 uance du gouuernement de Cham-
 pagne en faueur de Monsieur son fils,
 & deux cens hommes de pied en-
 tretenus dans Mezieres, Monsieur le
 Marechal de Bouillon vne compa-
 gnie de cinquante hommes d'armes
 & les Archers de la Connestablerie,
 avec vn peu d'argent si on veut, pour
 de dommagement de la bonne che-
 re qu'il a faicte à la Reformation dās
 Sedan. Il n'y a en fin nul d'eux qui
 par deuotion à ses affaires, ne tende
 le bassin de ceste confrairie, tel qui
 n'a rien voulu prédre iusqu'à present,
 demandant seulement cent mille li-
 ures de pension. Est-ce là se souuenir
 de ce qu'ils reprochoient à d'autres
 dans leur manifeste, qu'ils reiettoient les

salutaires aduis de feu Monsieur de Mayenne, qu'il n'estoit iuste de profiter ou rançonner la minorité de nostre ieune Roy, qu'il ne falloit rien demander, & servir ainsi que nous estions obligez naturellement? Est ce se souuenir de ce qu'ils escriuoient si gracieusement à la Royne: *Considerez ma lettre, Madame, & vous n'y trouuerez rien de nos interests particuliers, ny à nos intétions presentes ny à l'aduenir? Vser de voye de faict, & mettre des troupes en campagne sans cōgé ne commission du Roy, est-ce se souuenir de ce que Monsieur le Prince prorestoit à Messieurs du Parlement de Paris, qu'il n'auoit pour armes que ses très-humbles prieres à sa Maiesté? Surquoy les Princes, les Prelats, & les Officiers de la Couronne, qui assistent leurs Maiestez ont à considerer, si souffrir en ceste minorité qu'on enleue ainsi les villes du Roy, & qu'on establisce insensiblement vne authorité qui contrecarre ou bouleuerse la sienne, est vrayement procurer le bien du public, & si iouer ainsi (cōme on dit)*

au Roy despoillé, seroit pas renuer-
 ser le tribunal de la Iustice, & ense-
 uelir la liberté de la Noblesse, laquel-
 le depuis la naissance de ceste Mo-
 narchie, n'a flechy soubz la domina-
 tion d'autre que de son Souuerain:
 Et quand au faux bruit qu'on seme,
 que c'est Monsieur de Guise & Mon-
 sieur d'Epernon qui desirent la guer-
 re, c'est faire tort à l'innocence de
 leurs intentions, lesquelles ne sont
 que toutes portées à la manuten-
 tion de la paix. Bien est vray qu'ils
 n'espargneront iamais leur propre
 vie enuers tous & contre tous, lors
 que leurs Maiestez resoudront la
 guerre, & que leur Conseil la iugera
 necessaire, auant que de souffrir vn
 partage hôteux de l'autorité royal-
 le, n'ignorans pas hors ceste querel-
 le publique, l'honneur & le seruice
 qu'ils doiuent à vn Prince du sang,
 nul d'eux n'ayant sujet en son parti-
 culier de renouueller les animositez
 qui ont esté autre fois entre la mai-
 son de Bourbon & de Guise, la cause

en estant cessée, veu que graces à Dieu il n'y en a plus de ceste tige royale qui soient infectez de l'heresie, ny qui demolissent aujourd'huy nos Autels, lesquels ceste genereuse race de Lorraine a tousiours glorieusement protegez sous les auspices de nos Roys : Mais si vne dure seruitude doit en fin arriuer à tous les ordres du Royaume, & qu'un aucuglement volontaire nous porte à nostre propre ruine, la Royne demeure au moins deschargée du blasme que luy pourroit donner la posterité, de n'auoir pas apprehendé & comme predict ce malheur, iugeât principalement quelle est l'importance d'Amboise, entre les mains de tel qui abusant du nō de Mōsieur le Prince, est pour se voir dominer toute la riuere de Loire, ayant au dessus Dezize, Neuers, Gergeaux, & au dessous Saumur, & Rochefort, toutes lesquelles places pourroient vn iour conspirer à mesme dessein.

F I N.

